

Fundargerð 70. fundar skólamálanefndar sambandsins

Árið 2012, þriðjudaginn 13. mars kl. 10:00 kom skólamálanefnd sambandsins saman til fundar í Hlaðbúð, Borgartúni 30 í Reykjavík.

Fundinn sátu: Svandís Ingimundardóttir, Gunnar Einarsson, Gunnar Gíslason, Kristín Hreinsdóttir, Ragnar Þorsteinsson, Helga Guðmundsdóttir, Björk Ólafsdóttir og Guðjón Bragason. Valur Rafn Halldórsson sat fundinn undir liðum 1 og 5. Guðfinna Harðardóttir sat fundinn undir liðum 2 og 3. Gunnlaugur Júlíusson sat fundinn undir lið 5. Gyða Hjartardóttir sat fundinn undir lið 9 og 10. Tryggvi Þórhallsson sat fundinn undir lið 10.

Fundargerðin var færð í tölvu.

Þetta var tekið fyrir:

1. Vinna á grundvelli bókana með kjarasamningi FG og SNS - 1202006SA

Niðurstöður könnunar meðal grunnskólakennara og samhengi við næstu skref í störfum kjarahóps og faghóps og tengsl við framtíðarsýn Ný viðræðuáætlun-tímasett aðgerðaáætlun.

Valur kom á fundinn. Greint frá vinnu sambandsins og FG á grundvelli bókana við kjarasamning og niðurstöðum könnunar sem faghópurinn vann að. Ný viðræðuáætlun hefur litið dagsins ljós ásamt tímasettri aðgerðaáætlun sem unnið er samkvæmt. Faghópurinn mun vinna áfram með niðurstöðurnar og tengja áherslum og aðgerðum framtíðarsýnar og miða að breytingum á vinnutíma kennara. Þeim upplýsingum verður miðlað til kjarahóps sem vinnur með vinnutímakafla bókunar 2. Rætt um að bæta fulltrúa Reykjavíkurborgar í faghópin. Sl mun leggja það til við ftr. FG. Sameiginleg greinargerð vegna könnunar er í vinnslu og kynningar verða sameiginlegar eins og unnt er. Vorfundur Grunns verður 23.-25. maí. Á þeim fundi þarf að kynna stöðu vinnunnar við bókanir og valdar niðurstöður könnunar.

2. Símenntun og starfsþróun kennara - 0905154SA

Starfshópur skv. bókun skólamálanefndar 16. jan. 2012.

Umræða um sjóði, úthlutanir, áherslur, endurskoðun og bókanir skv. kjarasamningum.

Tillögur stýrihóps til mmrh. um stofnun fagráðs í tengslum við símenntun og starfsþróun kennara verða kynntar

Guðfinna Harðardóttir kynnti tillögur stýrihóps nefndar um símenntun/starfsþróun kennara um fagráð sem sæi um miðlæga stjórnun og ráðgjöf v/símenntunar og starfsþróunar kennara á öllum skólastigum neðan háskólastigs. Skilgreina þarf með hvað hætti upplýsingar eru sóttar til svf., hvernig þarfagreiningu verður háttað o.fl. Stefnuleysi of einkennandi fyrir stöðu þessara mála í dag. Stýrihópurinn mun fullvinna tillögurnar og senda ráðherra. Skólamálanefnd lýsti ánægju sinni með verkefnið sem rímar vel við tillögu skólamálanefndar frá síðasta fundi um að skipa starfshóp sem mótaði stefnu sveitarfélaga í símenntunar-

og starfspróunarmálum og fjármögnun þeirra. Slík stefnumótun hefði bein áhrif inn í fyrirhugað fagrað. Skólamálanefnd verði öflugt bakland fyrir starfshópin og fulltrúa sambandsins í verkefninu. Skólamálafulltrúa falið að koma með hugmyndir að fulltrúum inn í starfshópin.

3. Framtíðarnefnd SSH - menntamál og sérfræðiþjónusta - 1203005SA

Ragnar Þorsteinsson kynnir tillögur framtíðarshóps SSH og vinnu að þeim

Ragnar sagði frá ákvörðun SSH um að stofna framtíðarhópa tilteknum málaflokkum. Hann stýrði sjálfur hópi um menntamál þar sem fjallað var um möguleika svf. á höfuðborgarsvæðinu til samstarfs t.d. um símenntun, skólaþróun, sérfræðiþjónustu o.fl. Rætt var um möguleika á því að fleiri landshlutasamtök ynnu með svipuðum hætti og legðu saman krafta sína. Ákveðið var að upplýsa fulltrúa annarra landshlutasamtaka um verkefni framtíðarhópa SSH og kanna hvort áhugi er á kynningu á málinu á aðalfundum þeirra í haust.

4. Efling leikskólastigsins - 1202020SA

Björk kynnti drög að skýrslu starfshóps um aðgerðir til eflingar leikskólastigsins. Fundargerð samráðsnefndar leik- og grunnskóla frá 9/11 var jafnframt lögð fram til kynningar.

Skólamálanefnd tók undir athugasemdir Bjarkar við skýrsludrögin en töluvert vantar upp á að sátt náist um ýmis grundvallaratriði í drögunum. Athugasemdunum verður nú komið á framfæri við mmm. og ákvörðun tekin í framhaldinu um endanlega afstöðu sambandsins til þeirra tillagna sem þar verða settar fram.

5. Nýjar viðmiðunarreglur vegna leikskólabarna utan lögheimilissveitarfélags - 0407027sa

Farið yfir helstu nýjungar, næstu skref og möguleg áhrif á viðmiðunarreglur vegna grunnskólans.

Gunnlaugur og Valur komu á fundinn. Greint var frá helstu áherslubreytingum frá fyrri viðmiðunarreglum og þeim verkefnum sem starfshópurinn heldur áfram með, þ.e. að greina aldurstengdan kostnað og kostnað vegna sérfræðiþjónustu. Skiptar skoðanir voru um ágæti nýju reglnanna og bent var á mögulegar afleiðingar t.d. fyrir lögheimilisskráningu námsmanna og þingmanna. Þá var lögð áhersla á að starfshópur sem skoðar áhrif reglnanna á viðmiðunarreglur og -gjaldskrá vegna grunnskólans hefji störf hið fyrsta. Ekki talið rétt að sami hópur standi að þeirri endurskoðun en 1-2 fulltrúar verði sameiginlegir með starfshópunum tveimur. Skólamálafulltrúi kemur með tillögu að skipun starfshóps vegna grunnskólans..

6. Fundur með mmmh. um hagræðingu í rekstri grunnskóla - 0911007SA

Guðjón gerði grein fyrir fundi sem fulltrúar sambandsins áttu með mennta- og menningarmálaráðherra og helstu atriðum sem þar komu til umræðu. Ljóst er að afstaða ráðherra til tillagna sambandsins um hagræðingu í grunnskólum er óbreytt.

7. Samstarf við Skólastjórafélag Íslands - 1008014SA

Farið yfir stöðu og áherslur samstarfsverkefna sambandsins og Skólastjórafélags Íslands

Skólamálafulltrúi gerði grein fyrir samstarfi við Skólastjórafélag Íslands en það hefur m.a. leitt til þess að undirbúningur er hafinn að sameiginlegu námskeiðahaldi í haust. Þá stendur til að sameina málstofu sambandsins og námstefnu SÍ um miðjan október á Akureyri. Fram komu áhyggjur af því hvort staðsetning og fyrirkomulag málstofunnar gætu haft neikvæð áhrif á mætingu sveitarstjórnarfólks. Skólamálanefnd leggur áherslu á að skólamálum verði gefið aukið rými á fjármálaráðstefnu sambandsins þar sem þetta er stærsti útgjaldaliður sveitarfélaga. Skoða þarf þetta tvennt í samhengi áður en gengið verður frá dagskrám þessara tveggja viðburða.

8. Niðurstöður vinnufundar skólamálanefndar 16.01.12 - 0504189SA

Farið yfir niðurstöður fundarins og áhrif þeirra á skipulag starfa skólamálanefndar

Skólamálafulltrúi lagði fram ítarlega fundargerð frá vinnufundi skólamálanefndar í janúar ásamt áætlun um tímasetningu tiltekinna mála inni á árlegri dagskrá skólamálanefndar. Á næsta fundi nefndarinnar verður t.a.m. aðkoma sambandsins að vofundi Grunns til umræðu ásamt áherslum í skólaskýrslu 2012.

9. Fósturbörn í grunnskólum - 1109013SA

Guðjón Bragason kynnti drög að reglugerð um skólagöngu fósturbarna sem send verður í umsagnarferli á næstu dögum. Einnig var rætt um samstarf við Barnaverndarstofu um ráðstefnu um barnavernd og skólagöngu í vor og samstarf við Samtök félagsmálastjóra um málþing um samþættingu félags- og skólaþjónustu í haust

Guðjón dreifði 8. drögum að reglugerð um skólagöngu fósturbarna frá 7. mars sl. og svaraði spurningum um reglugerðina. Skólamálanefnd er sammála því að mjög margt í drögunum horfi til betri vegar hvað verklag varðar í samskiptum sveitarfélaga og hagsmunir barna séu betur hafðir að leiðarljósi.

Svandís kynnti samstarf við Barnaverndarstofu um ráðstefnu um skólagöngu fósturbarna sem haldið verður 29. maí.

Gyða kynnti hugmynd um málþing í haust um samþættingu skóla- og félagsþjónustu í þágu barna með fötlun og möguleika á að fá Grunn sem samstarfsaðila að málþinginu, fulltrúa félagsmálastjóra auk Gyðu og Svandísar. Tekið vel í hugmyndina og Gunnar G. formaður stjórnar Grunns mun skoða málið sín megin.

10. Samningur jöfnunarsjóðs, Rvk.borgar og sambandsins um sérskóla og sérdeildir - 0901040SA

Kynntar áherslubreytingar vegna endurskoðunar samnings frá 19. des. 1997 um sérskóla og sérdeildir. Tryggvi Þórhallsson kemur á fundinn.

Tryggvi kom á fundinn og kynnti hugmyndir er ræddar hafa verið í starfshópi sem skipaður var til þess að endurskoða samning JS, Rvk.borgar og sambandsins frá 1997. Samningurinn fjallar um jöfnunarkerfi fyrir fatlaða nemendur í grunnskóla. Viðurkennt er að við framkvæmd samningsins hefur hallað á Reykjavíkurborg en

ekki hefur tekist að ljúka endurskoðun samningsins, þrátt fyrir viðræður þar um sem einkum fóru fram árið 2004. Sú endurskoðun sem nú er að ljúka byggist að stærstum hluta á fyrri viðræðum. Gera má ráð fyrir að SIS-matið svokallaða taki við af þessum samningi innan fárra ára. Afgreiðslu málsins var frestað og kölluðu nefndarmenn eftir frekari upplýsingum um málið, m.a. kom fram ósk um að fulltrúar JS kæmu á næsta fund nefndarinnar til að ræða úthlutunarreglur og viðmið í víðara samhengi.

11. Ályktun frá ársfundi SÍ frá 15. október 2011 lögð fram til kynningar - 1103018SA

Fundi var slitið kl. 13:15

Svandís Ingimundardóttir

Gunnar Einarsson

Gunnar Gíslason

Kristín Hreinsdóttir

Ragnar Þorsteinsson

Helga Guðmundsdóttir

Björk Ólafsdóttir

Guðjón Bragason
